


181
:4



槐塘詩稿卷八

錢塘汪沆西顥著

轉燭集

戊辰之秋由京師入楚時

王師方進勦金川卽從制府新公赴宜昌調兵事竣新
公奉

命赴滇南予乃旋里營葬先君子未數月新公仍邀予
入都次年又偕制府永公重赴武昌計此兩歲中
身經萬餘里晴川黃鶴諸勝巋然在望未暇一登
奚能探討煙霞恣情吟咏今止就兩次往來道中

所作及在京友朋贈答之什汰而存之彙爲一編
偶憶少陵有鄙人到巫峽三歲如轉燭之句情事
略同爰摘取以命斯集

青縣道中寄于斯堂諸子用東壁先生南歸畱
別韻

驛路千林未著霜
衛河秋暖似春陽
一繩雁逐勞人艇
百卷書添貧士裝
蓮坡以新雕春明
夢餘錄等書見贈
故舊關心多異地
溪山入夢早還鄉
射魚種竹平生願
敢望成都八百桑
爨後琴材若箇知
戢鱗伏翼海南涯
男兒可惜壯年過
長者空勞國士期
席帽重逢仍寂寂
布帆欲去轉遲遲

吟廊曾是經行地
回首高梧戀一枝

老去愁歌行路難
偏教觸熱向長安
只如杜甫依人計
莫作常何舊客看
已分出山嘲小草
誰能古井蹙微瀾
諸公休訝心如石
獨到離堂感萬端

遊踪約略說炎天
紅荔黃柑沁齒鮮
過海珍禽啼徹夜
繞城榕樹綠經年
好懷只欠詩人共
遮眼聊隨故紙緣
遲我尙平婚嫁了
賣文錢作買鄰錢

邗江同沈畏堂徐慎甫作

阜茨橋邊又夕曛
吳舫楚舸太紛紜
人行萬里車輪轉
河到三叉燕尾分
不擬鮑郎同作賦
喜逢謝客總能文

漢江儻續題襟集鶯鶴猶堪張一軍

鑿江雜咏六首

小園叢桂壓簷攢每到花開負倚闌懊惱一枝香隔水
只教聞取不教看

苦茅蓋屋竹編籬江上人家夕照時忽地一羣花鴨過
柳悵悵下水差差

讀書臺接賦詩臺千古詞人付劫灰心力拋殘緣底事
較量何似掌中杯

時清玉帛萬方同文教覃敷絕域通為語阮陳雙學士

好吟越嶠紀王風

時有安南國貢使阮世立陳文煥等迎謁制府新公舟次阮陳竝官本國

學士越嶠集明李文鳳所選安南國人詩

此地高人寄一廬舊遊星散十三年冠霞詩句莫亭畫

領略清江碧嶂前

余友團冠霞昇楊上舍大任同為白沙寓公皆工詩楊兼善畫

晚菘幾稜蒔湖漚隙地難酬老圃貧莫更揚州誇第一

鹽鐵論揚一益二

只愁無土有閒民

中秋後一夕石城舟中看月用敬業堂集中韻

同畏堂賦

兩年閩海辜佳節懶惰題詩廢子墨

丙寅丁卯在閩兩度中秋皆無月

昨朝雙槳泊秦淮準擬清暉散厓雪碧翁作意巧相避
掩鏡埋輪竟永夕物情顯晦總難齊莫便朦朧怨月色

木坡詩和 卷八
至顯要識不終晦雲際團團仍碾出霜華彷彿日乍逃
冰彩紛披手堪劃同舟三子盡詩豪對此寧辭浮大白
酒酣舊事感南都一夢繁華供彈射蝦蟆天子擅風流
燕子尙書矜按拍妙選才人玉貌殊新教法曲鶯聲澀
又愛當頭夜夜圓翻盡霓裳揮渾脫榻來憑弔水窻寒
井涸胭脂無處覓六朝等是小朝廷那用煩言重嘖嘖
城頭明月閱人多似勸羈人破蕭瑟興亡都付雍門琴
淒切休聽河內笛把酒重斟月在杯斝使神軒意超越
伊余車腳作生涯駒隙雙丸嗟浪擲萍流蓬轉年復年
最苦今年觸炎熱六月從閩入都回頭又上武昌船到處飛鴻

畱爪跡眼前同調慰棲遲肝膽輪囷泯阡陌清宵清境
一樽同此會天涯亦難得高吟縱少謝郎知入幕原皆
庾公客蕭蕭涼吹響蘆叢穆穆金波翻石壁一宵盈缺
本無多二八誰言三五別

過小孤山

一拳小孤山九江匯其下帆飽如張弓瞥過不得卸上
睇江斐祠巉巖百尺架秩望古所崇本無名可詫何年
好事人綽約狀姑射牽連及大孤附會彭郎嫁遂令稗
沙門巾幗忘久假我欲訂圖經客程苦未暇釀酒謝山
靈世事多巧借

風栗

錦里園收趁早霜筠籠滿貯得分嘗堆盤莫漫嫌枯槁
入座居然見老蒼身歷冰天能耐久味逾崖蜜可休糧
烏菱白芡稱同調輸爾眉閒喜色黃

望峴山

羊公不可作延佇一停艤山色自終古風流冠此邦生
違東路願憂切石城降釋楚先幾遠千秋文子雙

歸自武昌堇浦畱宿寄巢聽雨分賦

我歸君復出珍重此宵畱哀樂中年感蕭條八月秋鹿
田曾策杖湘渚記停舟聽盡深更雨蟬聯話舊遊

重入都門欲赴水西莊不果寄儉堂五首

別君四五載思君千萬端豈無尺素書終殊執手歡前
年予季歸貽我青琅玕情長忘語短一夕三起看可憐
困物役符牘牛毛攢蹉跎遲報瓊寸心鬱不寬君其貸
形迹金石堅歲寒

憶昔漂榆遊託迹水西莊君家好兄弟文圃同翱翔渴
羌最嗜飲一舉累百觴細行醉不矜獨恕狂夫狂有名
全是酒此語徒自傷

獻賦初報罷進退歎維谷寂寥蒜市口辱君枉車轂不
鄙椎魯質雲龍上下逐勉我京兆試飲我百斛穀少年

感意氣萬里期一蹴貧女竟難嫁蒙俱垢面目年年壓
鍼線十指痛龜塚高義何時酬念之頰爲顛

我來春明門百事不攬慮惟思沾上人言笑近可與匪
惟寫離衷亦藉他山助如何衣帶水艱難比灑瀕得毋
三神山舟近風引去

窮達知有命恨不讀書早束髮習文章時樣鬪花草雖
取衆人悅薄植易枯槁乃知昧經訓買匱還其寶矢歌
告同心努力期間道

都下述懷二首和句山韻

掉頭歲籥一番更乞得閒身傷短檠不廢嘯歌狂似故

了無寵辱夢何驚擁鑪訝逼鄉心熱撲鏡從添華髮生
省識諸緣前定在胸中五岳鐘崢嶸

閉目垂簾度六時未妨猜作定僧爲連日病目不出花飛銀海

非關雪膜刮金鏡藉有詩時得周讓谷遊豫章詩甘菊誰人貽藥

裏辛盤連日斷匏卮不聞不見吾今慣淡面由他市上
兒

槐塘見和臆中拙韻二首仍疊前韻奉酬卽

送之閩兼柬吾鄉諸社友 陳兆崙 句山

閩中百事我曾更牛弩年來不受檠本坡老用蘇武傳註已覺

免冠頭欲禿偶逢談虎色先驚繞朝竟聽歸隨會洛

下何嫌餞石生聞道主賓歡頗洽崆峒長劍尙崢嶸
風光歷歷憶曩時獨有妍詞待爾爲芳樹濃遮嫖女
夢雨燈燃作荔支詩魚烹石首橫通印酒泛蓮鬚倒
滿卮

福州宮巷曾氏釀蓮鬚爲酒見周櫟園小記及今猶世其業

祇苦山深多百

舌漫將楊孔醉呼兒

待越酒不至

我生瓠落百無用以酒活命全其天欲營秫田去鄉里
船脣鞍背長年年衝寒昨又至都下凍頰兩頰鬚眉堅
風沙眯目畏出戶瑟縮嬾過蠶三眠歲殘文字債摒擋
麴生聊可相周旋赤憎市沽味惡劣空費三百青銅錢

豈無玉酒娛小戶一呷直令心肝煎滄涼汾潞各標榜
亂真莫辨誰爲賢其餘吳罌與楚甕大半甜軟充官筵
強斟一卮非我嗜譬彼柄鑿殊方圓投分獨有鏡湖釀
清醞耐久無頗偏中山已聞諾庾信齊安底事逋蘇仙
側聞

九重求俊乂諸公袞袞茹茅連行見經術飾治術飲醇
同樂羲皇前醉鄉擬返花塢去糟牀臥聽鳴春泉

蘭坡招飲寓齋次日以詩見貽奉酬二首

又向荆南市上逢天教踪跡逐雲龍從戎漫說同王粲
作奏空勞擬葛龔隔幕春風吹料峭一鐙舊雨話從容

不因兩眼眵枯澀談藝猶能到曉鐘

文章聲價冠

鑿坡

朶殿常聞簪筆過賦比少枚還較捷才如大陸不嫌多

柯亭劉井菟遺事

時蘭坡奉修葺詞林典故

命玉甕金鐘賡

帝歌

酒次出示恭和生寺大鐘及玉甕二長歌

御製覺鼓吹太平公等在未

妨容我老煙蘿

別淺山即送出宰瀏陽

膠漆情親昆弟如天涯分手轉躊躇七年瑟縮遲歸橐
一第光輝慰倚閭入世莫忘捫舌戒班春可乏勸農書

龜山遺愛青楓浦好繼循聲早報予

挽江岷山

一棺燕市竟長眠總角交情更愴然落職自當思已過
居官今應惜君賢思歸溫序魂千里賦別江淹記六年

乾隆壬戌與君別于河間郡署

柳絮漆燈相對處吞聲瘦僕劇堪憐

送新制府調鎮寧古塔將軍

吉林傳是古雞林

詔下旌幢接武臨

贈公會官吉林協領

負弩關門來宿將鳴笳沙

積認遙岑壯年已點鬚囊雪長物惟畱腰帶金此去未

容稱臥理籌邊封事恐經心

如公雅量逾裴相顧我麤才讓杲之閩海費琛番舶集
巴江風雪羽書遲濫竽七載慚無補市虎三言感不移
一寸酬知心似結黯然不獨爲臨岐

乞食女

乞食女行中衢曳縞袂揚清矚問年二十不足十六有
餘我聞女紅蠶可織麻可漚鍼紉澣濯傭作可以充朝
舖何爲蒙羞忍詬求一飽呈身不惜千金軀每逢販夫
厮養輕擲掄嗚呼天寒翠袖有彼姝曷不歸去牽蘿補
屋守敝廬

順德道中懷古雜咏五首

下宮難忽作完卵出覆巢嬰也爲其難愧彼烏集交
分枯合則榮至性感草木曹家煮豆詩愴懷不能讀
飲水可娛親一兒分食幾瘞之實不仁得金亦偶爾
擊衣報知己莫以成敗論至今橋下水嗚咽有遺恨
萬古同一夢噩多吉者寡炊黍問遺踪誰爲先醒者

寄嚴海珊明府時調長垣

有明一代事多隳隔歲詩筒寄雪窗己巳十二月海珊以新著明史樂府
見屈取史才吟判筆西涯斂手鐵崖降

湯陰岳武穆祠

妻長舌夫長腳縛虎謀成格天閣十年功三字獄自壞

長城冤太酷腦後竟拋二勝環冰天雪窖不得還空畱
大小將軍眼遺恨黃龍淚猶泣

渡黃河

滎澤縣南古豫州朝來打鼓發中流雨飛王屋不見樹
水接龍門有去舟舊事團沙成放手浮名畫餅嬾回頭
抗塵走俗真堪笑羨爾難馴萬里鷗

張茂先故里

喬木依然擁舊廬三台星坼怨何如平吳功直齊羊祜
莫賞區區博物書

臺城懷古和趙赤如韻

寂寞空城在蕭梁事可嗤捨身愚太甚納叛悔難追未
許熊蹯請徒探雀穀爲荷荷聲索蜜千載有同悲

題丁退思觀察家塾圖

傳家插架八千卷宛委縹緗未較多公望公才環膝下

辨香看續服勤科

宋丁顓盡其家貲購書至八千卷曰吾聚書多矣子孫必有好學者後孫

度中服勤詞學科以文章名位顯聞於時

遣懷同范容安作

客程春意十分賒樂事追尋忽憶家聽水亭邊歌舫泊
跨虹橋畔酒旗斜好懷二月連三月放眼梅花到棟花
怊悵一年空負卻芹香笋嫩隔天涯

槐塘詩稿卷八終

槐塘詩稿卷九

奉萱集

錢塘汪沆西顥著

壬申春予以母病自閩旋里依棲子舍者五年暇則與里中同好唱酬得詩若干首名之曰奉萱集蓋猶憶甲戌歲吾母八十壽辰友人陸筱飲爲繪奉萱圖王茨檐爲記徧乞名公巨卿之作以介觴距今二十餘載卷軸猶新而春暉晡逝嗚呼蓼莪之痛曷其有極也哉

無米二首和堇浦韻首章蓋廣其意非代爲解

嘲也

報道朝來突不黔歸田誰信竟無田拾塵何用談前事
煮石原難療謫仙瓶裏縱空供鶴料囊中可少作碑錢
緣知詭說休糧法不受陶奴眼底憐
兩年兩度上長安翻羨侏儒飽在官客舍艱辛叨裹飯
故人慚愧勸加餐負從葵外愁無那浙到矛頭計亦難
秀句由來出寒餓荒廚只作禁烟看

過王學顏新居登七層樓

別君三載音塵斷每到思君愁澹澹買船閩海一歸來
花事闌珊春過半征衫脫卻訪君家聞道移家大井畔

巷交闐闐沸蜩螗更憎街泥沒兩骭詎知有道居自殊
纔得入門喧寂判因山爲屋結構牢高者跨巖低傍厂
開軒排闥引我梯每上一層眼界換鼓勇直躋七層顛
儼似浮屠卓雲漢元龍百尺空自豪宏景三層何足算
江形左抱湖右環鳥下風帆鳧雁亂遙山重疊不知名
一一送青來几案城中有此奇絕境使我煩紆一朝泮
乾魚脫粟且午餐愛君眞率從君膳家釀如泉續續添
蟬聯貪話忘晡盱半酣俯瞰十萬家喜屢豐年無絕爨
飄飄我欲御風行咫尺蓬萊到隔岸

戲題茨檐乞食圖

一笑爲君作解嘲莫將口腹累兒曹於今噬虎猶難飽
肯向飢驂更落毛

貫月圖東壁先生屬題

紫府休言事子虛分明冰采滿衣裾憑誰逸旨重占夢
補入歸雲外史書

說禮鏗鏗杜子春一編疑義掃炎塵此身月竈曾親到
顯處何須誇北人

曲院宴集卽送儉堂之官桂林

桂管炎程路五千雙旌花外且沿緣風來不斷似團扇
雨過一涼生翠烟淡日何妨聯酒醞蠻鄉無此好林泉

政成倘續虞衡志莫惜灘江雙鯉傳

上塘行

上塘河水百里經西仁和接東海寧夾岸腴田三萬頃
禾苗灌溉長青青我昨扁舟出北郭道逢田父泣相告
縣符火急催新糧起視田無一粒穀年年五月梅雨多
小浜大港接官河懊恨堤堰私盜決尾閭洩盡成枯禾
方今官長比召杜哀爾農人勤作苦眼看畚築急修防
河水瀾瀾盈上塘滿篝滿車慶豐穰明年飽飯肩粟輸
官倉

輓周穆門先生

東哲方傳賦近遊銘旌驚返澱湖舟一時爭灑無窮泪
十口猶煩垂老謀文字崢嶸推巨手湖山寂寞失遨頭
自憐撰杖歸來晚花落千林句未酬

梁月花落千林
谷鳥聲之句

去年先生送予入
閩有詩畱一卷屋

葭林招同符丈藥林竹町甌亭勿藥汎湖同作

涼風導客行出郭謝膠擾濕雲低未斂斷處露天縹扁
舟掠趙堤艣過雁聲小空亭納眾景積翠萬重繞十年
困行役幽勝負不少故人一樽酒足豁秋士抱不飲今
奚為冷眼笑沙鳥

雨後葭林招集南香草堂出觀倪高士畫即用

其詩句為韻

倪迂不可作遺墨重兼金狀此林居境翛然物外心疎
簾通雨氣叢樾結秋陰畱客間評泊南湖杳莫尋

陸隱
士作

畫為
南湖

食杏酪

八達郵文杏

杏仁產居庸關外
八達嶺者為佳

南京方法兼滑逾雲乳

白香借蔗胎甜膩鼎真堪壓流匙定不嫌錫簫聲憶否
風味試重拈

重九日葭林招同甌亭竹田泛舟湖上遂至招

賢寺分得九字

秋陰欲泥人瑟居寡所偶一艇破湖烟佳辰洵不負登山謝翥展緇廬愛間秀開軒俯方塘叢樹羅前後節物眼底催飄蕭感衰柳廿年去鄉里清遊失八九黃花媚晚晴天公償我厚爲樂貴及時肯放杯中酒試問紫髯翁笙歌今在否

哭蓮坡

四海論知己如君復幾人憶從契闊後轉見性情真蠖伏甘遺世山棲許結隣傷心十年約此願永沉淪獻賦辭京洛驅車過直沽奮飛慚短翮清樾借高梧翠墨朝朝試紅鐙夜夜娛牙生絃縱在淒絕賞音無

別業營西郭風流繼玉山亭臺開菴畫花竹恣躋攀結客東南徧端居歲月閒誰教溘先露空剩水潺湲

篋裏蔗塘集風前制泪開孤燈人獨臥黃葉雁初來佳

句剡藤在新阡玉樹摧

小艇孤燈人獨卧西風黃葉雁初來蓮坡過獨畱舟中句也曾

手書見寄尚存篋中桃花問遺隄異代有同哀

夙世生蔥嶺耽禪天所令宗雷結淨社乾竺討遺經煩惱遮慈鎧艱難守德瓶一龕花影滅噩夢竟難醒

蓮坡築有

花影菴爲禮佛地

賢弟來杭郡殷勤辱手書方言了婚嫁從此狎樵漁豈意開緘日翻悲屬纊初行當磨鏡具幽隧送容車

如此人長逝傳聞夢亦驚情多常自累才大竟難名
弓冶佳兒紹碑銘執友成東壁先生暨堇浦以君行狀墓銘分任祇予一掬
泪染翰答平生

上元夜南徐招飲藉豁古堂分賦同用燈字

莫問長街自在燈當筵且盡酒三升百年幾遇此佳節
四座相逢盡舊朋池館雪消春意淺簾櫳風峭暮寒增
清歌一曲添惆悵飛絮沾泥我獨能

過北渚草堂看梅用顧月田先生壁間韻

老去精神狎釣師招邀不負故人期舟因水曲行防誤
花為寒多放較遲野徑細穿香冉冉春山半隔影離離

而今償我圖中夢

曩客天津憶家鄉梅事徧索畫梅數十幅張之四壁山陰劉雪柯翁為予

署所居額曰梅花世界

浣盡征塵十斛緇

重過臯園同樊榭先生令貽北亭作

入門莎徑改導我有東風問訊主三易低徊梅一叢討
春流水外覓句野畦中役役奚為者徒慚抱甕翁

寄題眉洲兄分綠樓

雲來半樓陰雲去半樓露綠雲何緣生風搖在隣樹幽
人一榻眠靜看雲來去入夜景轉佳林端明月吐

洗墨池圖為家學山作

池在無為州治米芾遺蹟也學山知州事繪此圖

寄題

洗墨池荒剩墨痕風流尚見替人存公餘聽說豐年報
試上層樓看稻孫

北郭看花同江聲先生甌亭作

青草如袍水熨羅清遊排日樂無過舟從赤岸橋邊轉
花在金家堰畔多小白長紅圍遠嶂村聲社笛賽晴波
昇平風景濃春候不飲爭如華髮何

聯句圖為楊昌之陸筱飲題

九范齊名一代傾碧梧陰底出吟聲他年二妙添詩話
不數松陵與鄆城

跌翠山樓迎梅同江聲先生柳亭竹田甌亭雲

巢上人作

正喜月中三卯又逢芒後初壬歲事有禾有麥農謠寸

雨寸金

農政全書迎梅雨一寸送梅雨一尺

香篝急儲夙火書帙宜除白

蟬待冬青花開了

諺云冬青花已開黃梅雨不來

山樓米汁同斟

題曹荔帷秋湖采蓴圖

人生不得行曾懷雖壽百歲亦為天東曹張掾真可見
抽颿獨趁秋風早須知寓意在適意後賢錯擬蓴羹計
洛京歸後夢猶驚此語還堪稱嚙醉曹郎本是淡蕩人
五經滿腹恣經綸功名三十不入手且復泥飲湖之濱

瓜皮小船打兩槳偷割龍髯供清賞世間九物有知音
何須定薦珊瑚網脆滑登盤秋可憐蟹脂魚髓敢差肩
阿師潑墨小遊戲圖為恒上人畫不是解人休浪傳

得在郊弟信

吾弟東甌去書來添客愁那堪多病日復作渡江遊薄
俗誰青眼高堂人白頭龍湫千丈雪莫學賈胡畱

遊鄧尉二首

東崦村前路朝暎吐復含傍橋停短櫂隔樹見浮嵐澀
磴盤盤上緇廬得得探千林烟月好來晚對花慚

問訊萬峰塔猶傳一瓣香勤一上人白蓮齊已集青豆贊公

房畱客繙山志

時借閱寺志

開窗納練光烟鬟七十二最愛

是漁洋

秋勝甌亭前後招看梅花子俱爲事阻不赴旋
有金閨之役長夏歸來梅雨初晴沈學子將往

揚州出示探梅詩冊爰賦三絕

問渠堂外千堆雪顯義院前萬玉妃多謝故人頻折簡
一年花事掉頭非

去年二月梅花發看遍西溪又北山似此佳緣天亦妒
不教容易再躋攀

刻劃南枝又北枝曹家碑底鬪新詩花光日氣渾如接

好句終歸沈亞之

花光接日氣溶溶白雲生十字子極賞之

集吳山西爽閣送學子之揚州

且住爲佳耳胡爲觸熱行軸簾湖影入攤篔簹樹涼生貧
賤此奔走文章獨老成過江逢二妙謂陳授衣好共賦
嚶鳴閱蓮峯

蘆溪書隱圖爲家旭占題

朝市紛紛競所營笑他充隱枉沽名何如笙典珠墳裏
坐擁嫿嬛敵百城

清溪一曲好家居咫尺槐塘是舊廬他日
隱中我亦隱於書瓶容借讀

九日同茨檐過雲居寺訪雲巢上人

不見琴聰久支筇古寺過佳辰愛重九曲徑轉坡陀樹
密城根抱樓高野色多萸囊何用佩吾欲乞消摩上人習醫

吳山酒樓寫望同施蔭千旭占作

惟有登臨我獨便得攜佳士更翛然山光最愛一樓貯
秋色無如九月妍黃葉寺邊聞過雁夕陽江上見歸船
憑欄舊事從頭話嘆逝傷離紛眼前

題近蓬先生紅袖添香圖

牙籤開處夜堂虛竹影花光交綺疏乞得麝姬充掌記
風流不數宋尚書

證夢圖爲周雪舫運副題

是因是想總休論長帽風流今尚存記否前身曾有句
事如春夢了無痕

題南漪遺照 有序

乾隆十五年春三月予與君同客京師適予有武
昌之役敘別於陸抑齋侍御寓舍時

天子詔舉海內經學之士冢宰梁公少司馬王公咸以
君名上

聞君謂予曰無其實而竊其名吾甚惡焉行且歸矣買
山貲粗辦花鴨耦耕之約慎毋忘之已而別去予

復由三山客武昌逾年君果不就徵掉頭南歸竟
以病死悲夫孤子挺以君遺照來乞言追溯曩昔
臨別之言感身世之浮沉悼素心之零落百端交
集覽照泣然爰追述其語且系以詩

惟君讀書窮其源力究經義何紛綸發爲文章秀且溫
餘子碌碌難窺垣衡宇相接隔一園分憂同樂等弟昆
脫略那復形骸論或腳不襪頂露髻相逢率爾羅清樽
辨難古昔忘寒暄飢來南北馳征輪望遠不見心如燔
失喜忽遇春明門六街聲價重璵璠

朝廷有詔實學敦姓氏文章達

九閨鵬鶚一舉雲霄騫君獨不樂歸邱樊山中來伴鶴
與猿一朝玉樹埋楓根墓草已宿聲猶吞我今髮白眼
亦昏卅年情事夢無痕阮何風貌彷彿存巫咸何處賦
招魂耦耕之約寧能誼笛聲悽絕梅花村

集舊雨齋題冬心丈梅花畫扇

髯翁工八分每笑李潮劣一字落素縑鈐印百金直中
歲變書體潑墨作筆笏自畫還自祕冑許俗子得近者
滯江淮生計苦逼仄忽復畫梅花遠道寄相憶繁英隨
意生興到不加飾出入懷袖中不啻藏十襲雨窗快聚
觀我爲三太息髯也藝絕倫詩本傳遐域如何髮垂素

猶自傷困踣世縱知者稀詎乏後人識芙蓉可紉裳杞
菊可供食天寒盍歸來種梅北山北

陳遠村屬新羅山人畫南山射虎回雪夜讀道
書二句詩意索題左方戲賦一絕

人生識字多憂患何用琅函一卷開聞道西陲方討賊
請君生縛鬼章回

過東新關訪吳炅齋不值

官橋斜繫纜一徑入林隈報道謁醫去空勞裹飯來野
梅吹作雪新水綠於苔幽意無人賞真成剡曲迴

謝唐授呂寄絨毯

感君貽臥具迢遞路三千煖老休誇玉奇溫定勝綿光
明欺白氎寂寞笑青氈風雪連宵重江郎穩稱眠

秋晚獨酌集陶

涼風起將夕來雁有餘聲皎皎雲閒月夜景湛虛明一
觴聊可揮緬焉結深情寒暑有代謝歛如流電驚若復
不使飲持此欲何成且進杯中物吁嗟身後名

繡谷亭藤花歌爲甌亭作

廿四番風如抹電一春花事何匆匆豐禾巷陌步履過
忽聞蜂聲喧徹隣西東出牆繁英垂裊裊入門香氣吹
濛濛延陵主人我舊識知有藤花一架開庭中移床坐

花下仰視流蘇四角搖玲瓏何須入罨畫不必登穹窿

汎舟錄湖汊兩岸多朱藤故號罨畫溪吳郡
諸山志穹窿山紫藤隴幽深多藤花可掇 眼前景物

難爲狀但見餘霞不散晴簷烘此藤移植傳先公手澤
之思應無窮看到子孫積者豐樹木樹德理則同

寄儉堂桂林

去年三月花如綺我出君來若相避孤負六橋三竺遊
一卮不共湖亭醉還家梅雨讀君書字句無多意有餘
人生合并苦不易南望宜州增鬱紆勞君錦段挈萬里
上遺高堂下稚子厚意何殊百餅金裁來光奪豐貂美
我曾兩割灘江牘媵以包山畫一幅知君鑒別過項張

青父子京定挂官齋媚幽獨君才自昔了十人已看姓氏達
楓宸雄藩又領太平郡狝鳥蠻花盡向春麗江一派通
交趾如墨黃茅瘴雲起竹箭藏蛇樹叫猿放衙眠食須
料理循聲卓絕胡端敏宦蹟猶傳故老吻願君治行媿
前賢政成地志勤搜摭

長夏毒熱如墮甌中讓山上人以小舫看梅圖

索題

眼驅睡蛇不去心調狂象難馴忽覺寒香逆鼻渾忘門
外紅塵

梅開大得自在梅謝仍出世間參取枝頭子熟任他開

謝空山

七夕前一日集瓶花齋送丁誠叔之婺州

去作諸侯客金華古洞天羣仙富遺蹟八咏繼前賢涼
氣藤陰合離衷酒醖傳洗車知有雨好送渡江船

家天石翁以孝行被

旌嗣孤萃宗來乞言爰賦二律

孝友吾家事先生夔絕倫早櫻孤露戚常抱擁鎌辛至
行洵無忝全歸萃此身冑堂才子在雪涕捧

恩綸

侍疾憐田翼調羹紀陸通載披孝感傳君與古人同丙

舍鶴雙下南陔蘭一叢奴輿分眼底眞足式澆風

訪王古鐵

卜築城根住蔬畦託隱淪杜門惟把卷僵臥不干人誰
作鍾期賞長甘原憲貧清言眞足飽欲去又逡巡

秋日集十駕齋懷北亭在福州

撼撼西風感瑟居澆愁還詣故人廬坐無車允忽不樂
志就林諳那得如時北亭客閩修福州郡志涼月恰憐千里共清樽
可遣隔年疎踰麋一笏勞持贈獨愧幽慵未報書

舊雨齋話舊圖爲竹田題

馬市街西皮市東結隣曾記十年同借書獵酒人雲散

謂碩果堇蒲茨檐南漪南竹頭白相看兩老翁

辛苦銜泥又定巢傍檐雙樹影斜梢閉門合示維摩疾
寄謝紛紛鳥集交

秋鐙如穉照秋堂爲爾開顏一舉觴坐縱無醴瓶少粟
能文難得有諸郎

聳肩义手句冥搜瘦似梅花淡似秋爲語阿師添寫我
圖爲大恒上人作吟場來往亦風流

意林貽詩索武彝茶餽以一器卽用來韻答之

風軒欹枕看行雲忽枉封題翠墨勻好句飛來堪破睡
幽懷端合報先春武彝茶茗頭綱制換龍團舊細乳香含兔

酸新我亦年來嘲水厄幾時同作鬪茶人

咏盆中落葉松分得姿字

我聞南山松貞柯貫四時凌寒仍擢秀保此霜雪姿所以長百木永作君子儀此松尺五強云自嶺北移託身高士齋孤根亦得宜如何匹蒲柳望秋葉先萎天地生物萬培覆各自持抱節慚後凋空受識者嗤名存實不副詎獨爾松爲

蔣生哀詞 有序

生名師煥字西文杭州府學生性孝友工文二十七卒兄師熊爲撰行略來乞詩爰撫其本末以摠

哀衷

我昨北郭歸家人手一紙日落呼燈讀未竟清淚駛署名兄師熊痛弟師煥死詮敘四百言行誼括終始聰敏幼絕倫背書瓶瀉水楊修對家禽王戎識苦李從官古晉州揖客客倒屣甫冠窮羣籍爬梳契奧旨經史培其基卮言斥糠粃文章鸞鳳翔莫敢輕睨視從來負才者內行每多疵迺居母之喪三年不見齒迺侍兄之疾一夕十數起德行與文學四科兩擅美松柏聳百尋驂騶騁千里天胡奪之年二十七已矣彭殤雖有數顏蹠難究理夙好敦荀陳寢門慟入髓愧無金管書含悽申短

題夢護圖後

孝通神明垂古訓香河孝子今張仲十月難酬鞠育恩
廿年長抱風木痛母容母德杳難追刻木圖形兩無用
一誠竟達白華山曲江江上慈帆送飄飄襪被過招提
松龕爲設伊蒲供却憑三十二應身絳節蜺旌相引控
夢中親記阿母詞特爲憐兒示兒夢紅塵碧落苦相違
執手叮嚀一長慟誰教好夢不勾畱西陵風捲潮聲闕
去年我繪奉護圖喜得慈顏朝夕共因君孝感轉生懼
日昃崦嵫疾飛鞚題詩爲補東長生雞黍逮存敢懵懵

冬日遊臯園追用樊榭先生集中韻同雪舫葭

林甌亭作

水減池痕葉擁階乍寒景物入吟懷不嫌月榭風廊改
且喜苔行莎坐佳近郭此閒推勝地尋詩祇合讓吾儕
重來獨抱羊曇慟遺集重翻老泪揩

葭林招看蠟梅

天意微暄蠟蒂融花前難得一樽同人來高館蕭閒外
香在斜陽淺淡中乍放金鈴垂箇箇尚餘青菽綴叢叢
自從江夏無雙譽評泊終輸雙井翁

意林以素心黃梅見貽并侑以詩依韻奉酬

柳塘詩和 卷九
林間遊已謝山王歲晚交情感老蒼折贈殷勤同越使
清詩澹遠似韋郎色香不入羅浮夢風味應參燕子堂
從此南州數晨夕紙窗竹屋睡堪忘

原作

趙信 意林

皈向黃梅禮法王相期冰雪晚蒼蒼別深香韻評詩
老不獨風情屬女郎嚼蠟橫陳禪淨界折枝分供歲
寒堂請君白眼觀心契一洗塵懷已盡忘

題甌亭迎

鑾曲後四首

仙音兩部叶宮商疊玉駢珠各擅場此曲自從

天上奏不須樂府數康王

萬國歡心奉

一人親扶紫闕駐湖濱山呼不是虛無事

帝德懷柔及百神

山海仙靈絳節朝花明

行殿競雲韶欣知

聖母西天佛慣聽瑤房鳳唳簫

新詞譜出合笙鏞雙管真堪峙兩峯却笑粗才晁協律
祇歌竝蒂有芙蓉

槐塘詩稿卷九終

槐塘詩稿卷十

錢塘汪沆西顥著

櫻筍亭集

滋圃莊中丞駐節武林招予入幕館於櫻筍亭中
 丞故尚風雅同人不廢嘯歌簿領餘閒輒有文讌
 之會得詩若干首而題贈諸作系焉夫櫻筍吾鄉
 所產頻年行役鄉味久幸用以名集亦猶鱸膾蓴
 羹之意也夫亭在使院之西額為問亭方公所題
 飲滄酒懷津門舊遊和郭鷗汀韻

鯉魚灣接直沽濱

鯉魚灣在滄州城南釀酒俱汲此水

酒舫分攜不隔旬

柳塘詩和 卷十
泥飲千觚還百榼別來十載又三春西園絲竹成前夢
南國鶯花少故人手把一卮雙淚落傷情肯厭入脣頻

新綠

尋春休悵晚幽意在庭隅過雨看尤好侵衣染不殊
惜交砌暗寂寂落花孤更擬登樓望遙岑半有無

莊中丞招賞芍藥同王華峯楊蓼園鷗汀作

迢遞揚州夢已疎眼明紅藥照階除輕雲淡日籠逾艷
活色生香畫不如婪尾風光簾幙外遨頭情味酒杯餘
今宵金帶圍重讌白髮簪花獨愧予

僕病

抱疴難執役逆旅倍關心莫問王褒約愁聞莊舄吟熏
鑪香已炷宿墨硯潛侵幽事誰料理休遲藥裏尋

蓼園煮菟見餉賦謝

誰言風味下於蒲見管子春韭秋菘無此腴但使朝朝供
一飽十千儂不羨堂廚

入饌相看眼共青一餐直奪五侯鯖食單肯使傳方法
架上休抄謝諷經

作事還須咬菜根吾家有訓舊云云結鄰他日開畦種
晚摘筠籃要共分

意林家藏側理紙二幅乾隆丁丑春

聖駕南幸獻之

行在蒙

賜文綺并

御製側理紙詩以紀其事士林榮之敬和一篇用備楮

生遭際佳話云

陟釐佳名見拾遺流傳千載誰見之翹翹詎肯埋蒿藜
王孫購得匪所思渾然無縫若天衣非藤非麻非繭絲
製出海苔夫復疑麟筆鐵硯堪作妃豈曰草茅藏非宜
獻曝之義事可追
屬車祇貢

天鑿茲十賚本奉三無私

上方妙錦光瓌奇拜

賜敢同鶚薦辭

雍正乙卯臨川李侍郎薦意林應大科力辭不受讓其兄谷林

由來懷

寶在逢時矧號博物辨俞兒朱詹枉笑吞作麋特達似

此幸何其士申知己古有詞揚于

王廷亦如斯

樵李

佳果名從左氏傳分貽恰值熟梅天蟠根仙種知多少

誰似芳津沁齒鮮

家住春波第幾橋登盤試看紫羅袍東鄰朱老嘗邀喫

不羨綏山一顆桃

題徐璧堂春曉獨吟圖

山禽喚客起春事劇關心萬籟此猶寂孤懷如不任曙
光分樹杪花氣上衣襟得句忘言外朱絃有賞音

題沈椒園嘉穀圖

民爲邦本食爲天

九重宵旰念獨先民數穀數互會計芸芸歲增丁萬千
春臺同登生聚衆斗米安得望三錢我

皇治化邁隆古聲教四訖揮虞絃西陲闢地逾大宛屯
田奚論金城田獻琛納賚爭效順版章式廓光瑤編德

至於地嘉瑞應三苗爲一青齊傳阿那靈稼詫僅觀歷
城吐秀連淄川東陽使君秉憲節政平訟理無頗偏慶
逢此瑞功不居作圖要竝金石鐫使君之意我能宣不
願漬種五色炫神仙亦不願已刈復滿獲陌阡但願積
陰不伏陽不愆玉燭常調屢豐年含哺鼓腹歡笑闐家
給人足歌蕩平上紓

哲后民依悃遠夢時繞觚稜邊

誠本堂小集送莊栗堂之吳門

隔歲重攜手琴言愜一心文章華錦段人物秀瑤林倚
樹方看月抽帆又判襟雪鴻踪莫定且盡縹緲斟

金閨亭外望爭識孝廉船志在河汾業經從鄭賈傳三
冬勤寸晷二酉採遺編南巷名同時春風走錦鞢時從廖南

匡太史讀書
紫陽書院

荔帷以越酒見貽并用東坡天門冬酒熟韻賦

詩為贈依韻答之

客去空堂局暮雲麴生突至吐清芬一甌分餉緣何事

兩漢傳抄借博聞荔帷假抄兩漢博聞故及之百榼千觚聊爾爾羸

顛劉蹶任紛紛束書不讀吾衰甚醉面憑君添纈紋

食豆腐戲作

報道行廚小宰羊見清異錄分甘合許野人嘗菜園踏破何

須慮淡泊相遭兩不妨

炊玉成金片片勻也勞食指動搖頻不知行炙朱門客

可憶寒窗有故人談遷國樞稱豆腐為寒窗故人

細糝薑椒芼韭芽事須及熱恣饒借用南史王敬則語當餐一

飽吾多愧尙有茅檐啖雪花貧民以豆腐渣煑菜食之名雪花菜

曾記詩人誇大烹諸城丁鶴詩大烹豆腐瓜筠籃攜到

截肪成西堂社事如重續尤西堂檢討歸田後與里中者英結社著有豆腐會詩刊

行消九何煩骨董羹

附 彭壽

食品山家約略評淮王遺製擅佳名若教聶切調鹽

豉堪比東坡玉糝羹

啜菽曾聞五味誇滑宜菘葉脆薑芽行廚小饌長能

辦要與朱門鬪咄嗟

小物無端也腐稱百年粗糲淡相因尋幽記得南山

麓曾伴清齋鍛磨僧

口腹何心更累人登盤風味見天真須知質白瑩於

玉肯與腥庖膩鼎鄰

春餅

篩出重羅白堆盤璧月圓疊雙宜竝舉席捲各爭先軟

稱殘牙噉香包細膾鮮殷勤期後會人日試重煎

武林舊事

人日作
煎餅會

贈任幼植孝廉

霜風騷屑吹短局堦菊瑣碎攢金釘秋氣漸老感蕭瑟

攬鏡雙鬢愁星星束書不觀擁衾臥晏起日腳穿窗櫺

因人成事竟何有故園在望含悽清忽驚佳句落吾手

時以所著苧村詩鈔見貽赫蹏乍展光搖睛鋌矛森張開武庫鐘鏞

振響凌空冥土龍入洛名正富何緣得此傳趨庭

熙朝詩教追正始多士濟濟干緋青雅鄭之音辨者少

惟君疏瀹窮清冷作詩君亦餘事耳以肉貫弗通羣經

賈疏鄭注互攷證危言小說刪畸零執聖之權偏陂化

悟在言外超虛靈我衰不殖學日落欲陳膚見誰爲聽
識途謬問孤竹馬書法尙愧分朋丁文章有神交有道
杜句輪困肝膽爲君傾雲龍上下願相逐久客勿復傷孤
竹行矣賦就獻

鑾輅雍容簪筆瀛洲亭

錢武肅王鐵券歌恭和

御製詩韻

阿誰築此捍海塘錢王之績方策藏

哲后時巡念遺烈龍山魏觀禋祀將溯王一劍奮石鏡
翦劉殪董心存唐堪嗤販繒屠狗者黃屋竊據何猖狂

開門節度識時務奄有吳越軍於杭流傳鐵券乾寧錫
閱今歲月九百長文孫

行殿再拜獻盛事數典奚能忘中突旁偃大如瓦鐫金
作字形剛方河山帶礪誓奕葉寵榮克保貽先王錦袍
玉帶尙彷彿凜持臣節疇如良水火不刊神呵護寶櫝
什襲流芬薌

帝庸作歌風忠孝勗哉罔替千秋光

連枝圖爲許默齋題

爲憶弟仲昭秀才作

俊弟久升沒哲兄長愴悽出入顧隻影池草空萋萋死
者不可作生者怨乖睽荆花枝半萎桓山鳥同啼何以

釋紆軫用免愁顏黛爲繪冰雪貌黃髮手重攜怡怡見
至性化俗敬愛齊嗟哉上畱田千載遭訶詆

百舌

有鳥號百舌巧言調如簧主人聽偶惑拂拭假輝光百
舌遽自恣妄詡儕鸞鳳飛西復飛東高踞梧桐岡奴隸
視鳩鸞燕雀莫抗行侵尋侮白鶴不校益狻狷天道戒
滿盈微物亦檢防倏焉鷹隼至一擊墮道旁平燕毛血
灑哀鳴摧肝腸鶴也語百舌爾且勿怨傷貴賤自有秩
長幼自有常反經逆其理鮮不罹禍殃爾其鑒前轍庶
保性命戕

送春

已看吹到楝花風肯負觥船一棹空須識送春春總在
年年人漸老春中

題吳曉山自鏡圖

誰歟阿堵工傳神梁溪高士獨逼真家法能師道子筆
添毫直與愷之鄰秋來襍被武林道戟府朱門屣爭倒
相逢不厭蒲柳姿狀我老翁顏色好圖成同舍盡傳觀
土木形骸變喜歡一醜香傾銀鑿落千竿風戛翠琅玕
時爲予作嗜酒愛修竹圖茫茫人海豈長聚詰朝又駕胥江艣出圖
自鏡索題詩我識經營慘淡苦毫釐一失判妍媸絕技

而今孰繼之屢照不疲存我相自知從古勝人知

挽柳潔夫

卜築江干一草堂扶疎門徑認青楊清尊記汎孫登宅
與潔夫會飲瑤圃齋中後卽成永訣白網驚旋范蠡鄉門下河汾多弟子

篋中瓊玖剩文章雲居寺畔重攜屐回首西風淚幾行
將有嶺南之遊得詩四首呈莊中丞并畱別幕

中諸同好

也識流光赴壑蛇如何垂老向天涯人來催鼓錢塘權
天遣重看庾嶺花漫說歸裝營陸賈且欣同伴有侯芭
珠池要我償詩債吟徧蠻箋亦足誇

誠本堂前許過從樗材事事荷優容遭逢知己逾韓愈
檢點行文愧葛龔得借高梧棲倦翮久忘絕嶠躡遊踪
無端又逐蓬根轉軫結難杼一寸棕

幸隨賓榻接簪裾託契苔岑樂有餘新雨聚同酣夙釀
故人來勝讀奇書謂曹禹坡孝廉棋燈小閣三更後菊醞離堂

九月初一段清歡拋不得驪歌聽唱轉踟躕
儂是

堯天擊壤民息機早擬謝風塵吟看樹影交三徑臥聽
書聲答隔鄰種竹蒔花供靜課薰爐茗椀稱閒人明年
老圃金英綻準待歸颿理釣綸

連日簿領匆匆率和一律聊誌別懷餘俟稍暇當續成之不待遠索詩逋也

番禺 莊有恭 滋圃

雲龍何計得相從天海高寬也許容黃憲擬君過庾
杲陳蕃逢我笑王龔幾年魚水方萍聚覲面賓鴻認
雪踪去住兩難同一慨生憎自惹別離悰

郭紹勳 鷗汀

不羨塵寰綬笥蛇無端襍被向天涯歸帆隔歲三山
雪別酒凌霜兩岸花佳節蘇堤難折柳舊遊楚澤憶
傳芭 余自丙子後兩至楚中 何如粵海推雄鎮架筆珊瑚儘足

誇

客歲星軺載筆從檄書旁午意從容清談雅慕東山
謝折節寧論渤海龔 謂松巖太守輩 推轂有人勞遠道盍簪
無計息遊踪天高風急三秋候鴻雁遙征起別悰
憶從春日接襟裾韻事流傳半載餘細雨虛堂千日
酒畫簾清晝滿牀書詩成東閣明鐙後客去西風落
木初對此泐寥增遠望吳山獨立鎮躊躇

籌策難忘嶺表民不嫌萬里走風塵高文典冊誰同
調海角天涯若比鄰南甸山川增麗藻良園花木待
歸人明年酌酒烹鱸豸果否江鄉共釣綸

族母王徐兩孺人雙節詩為龍庄作

清清越溪水峩峩江上山雲中雙樹青勁幹不可攀昔
當載陽時穠翠羣木班冒霜復停雪相對各蒼顏誰與
謀翦伐母乃太癡頑天意顯貞節故使罹憂患芝蘭縈
其根春陽有時還吾宗兩賢母劬躬歷諸艱依倚三十
載淚行參差斑有子稟慈訓束脩闢儒關貞名徹

天聽綽楔一例頒厲茲不朽質寧與凡卉刪我輯文獻

錄所愧筆力孱安得湘東管書此輝九寰余輯汪氏文獻錄凡賢媛

節婦烈女皆附載卷後

題理安寺智朗上人夢母圖

上人江寧人姓李氏父某耽酒莫知所向年十四
母沒度為僧瓶鉢所至訪父踪跡不可得逾三十
年歸葬其母繪為此圖以寫蓼莪之痛事詳予友
吳穎芳所撰墓誌中予喜其釋氏而能修儒行為
賦一絕
白雲冷傍冶城山堂斧親封袖淚斑不解儒冠多鶻突
幽宮翻未掩松閒

槐塘詩稿卷十終

